

罪
惟
錄

罪惟錄帝紀卷之六

英宗睿皇帝

英宗法天立道仁明誠敬昭文憲武至德廣孝睿皇帝名
祁鎮宮入子孝恭序皇后以為子常幼冲齡朝廷大政自
太后行太后命宮中一切玩好之物無急之務悉皆屏去
事惟閣下議決每數日遣中官就問間以揭報無壅閉少
師吏部尚書養義卒贈太師謚忠定上大行皇帝尊謚尊
皇太后張氏為太皇太后封皇弟沂鉅為邸王起復禮部
尚書兼翰林學士楊溥仍入內閣釋前監祭御史陳祚及
喬林知州林長懋於獄先是祚父母皆死於獄葉華祚請

歸殯終喪許之。進士李賢上書言京師轉官不下萬餘。五胡之亂。可為遠鑒。乞為萬世計。勅兵部設法漸次出之於外。消患於未萌。不報。學士士奇等請早開經筵。以進聖學。慎選左右侍御。防其頗惑太皇太后。報可。

夏五月。以王驥為兵部尚書。六月。葬大行皇帝於景陵。

秋九月。脩宣宗實錄。虜阿台朶兒只伯寇井涼。以陳鑑為右副都御史。出督延綏邊備。擢兵部郎中徐晞為兵部右侍郎。巡撫井肅。晞出身吏胥。為治寬仁。故有是命。司禮太監王振偕文武大臣開武將臺。振侍東宮。得寵。自此始以黃宗載為南京吏部尚書。

冬十月以羅亨信為金都御史練兵平涼

正統元年丙辰春正月開經筵初經筵講官率選翰林以太皇后內批劉球以部屬入奏講職三月蝗災言官論大臣不能盡職久妨賢路大臣咸請罷職以謝天譴獨吏部尚書郭繼謂主上幼冲宜寬輕去有負先帝付託祇耳戴罪愴省舉朝以為然以巡撫周忱言減蘇州府秋糧八千萬石嘉湖及松江戒有差始設提督學較官兩京以監察御史各省以副使僉事奉專勅優免先聖子孫徭役召應天府尹鄺野為兵部左侍郎野受家教嚴勵清操初副按察陝西有聲

秋七月、徙封襄王瞻塏於襄陽、淮王瞻塏於饒州。

冬十月、車駕閱武於將臺、騎射以三矢為率、惟駙馬都尉并源三發皆的、撤上尊賜之。觀者相謂曰、往王太監閱武紀廣驟陞三級、今萬乘登臺、獨一杯酒乎、竟無殊擢。十一月、命兵部尚書黃驥巡邊。

正統二年丁巳春正月、太皇太后御便殿、召大臣英國輔、學士士奇、第、溥、尚書洪、入朝。顧謂帝曰、此五臣先朝簡任、事不聞五臣不行。微聞太監振導誘上、召入正色欲誅之。帝為之請。諸臣亦繼請得免。以宋儒胡安國、蔡沉、真德秀從祀孔子廟廷。尚書驥至邊、斬有罪都指揮安敬。三軍股

栗、鹵犯莊浪，敗走之，俘獲甚多。定井州，留守更休法。兵得
即息，民咸轉輸之勞。

夏五月，左都御史顧佐致仕。佐性嚴重，守正疾邪，有不便
者輒摘之去。六月，京師旱，時小兒為土龍禱雨，歌於塗曰：
雨。帝而帝。城隍土。地。而。若。再。來。還。我。土。地。

秋九月，鹵復犯邊，再勅尚書驥備禦。年肅敗鹵於塞外，阿
台、朶兒只伯走死。召溫州知府何文淵為刑部右侍郎，勅
方面郡守有缺，照舊在京三品以上官保舉，不得人，并
坐。進贊理陝西軍務侍郎柴本俸從二品，本盡心邊務，尤
嚴詐飾。時岷州土官都指揮后能坐冒功，朝議宥之。本曰：

宥能何以獎捐軀報國者必不奪。

正統三年戊午春淮揚災鹽課虧少巡撫忱以此時米貴
鹽賤奏令蘄州等府將撥剩餘米量應鹽場聚鹽官得貨
鹽積聚民得食糧安生上下賴之學士士奇等議清軍補
伍須從南北所宜兵部侍郎鄺野不果行御史魯泉以事
降汜水縣典史蓋懋所職人懷思之

秋八月順天鄉試場屋火詔更試

冬十月論井肅邈功王驥以尚書兼大理寺卿二俸並支
柴奉陞兵部尚書仍贊理陝西軍務都御史羅亨信加俸
一級封都督蔣貴定西伯任禮寧遠伯趙安會川伯

正統四年己未春三月、學士士奇乞致仕、不許。許省墓、敦
促還京。逮巡按御史陳祚、下詔獄。祚按湖廣、益持風紀。上
言、違王貴烜不執教事、坐論死。未幾、王事別覺、宥之。復原
任。南京尋陞福建僉事、致仕。京師大水、詔求直言、行賑恤。
陞蘄州知府況鍾、吉安知府陳本浚、並祿正三品。仍知府
事。

夏四月、倭寇浙東、殘力備之。五月、詔黔國公沐晟將兵征
麓川叛人思任、沮潞江。晟使諭降、都指揮方政不奉令、渡
江擊敗之、斬首三千餘級、溪入、逼上江、被圍。晟以其矯令、
坐視不援、敗一軍沒。晟乃燒積聚、及走永昌。帝責狀、晟懼。

自殺六月西域撤馬兒罕獻良馬賜名瑞頤詔畫史圖之
帝命太監吳誠吉祥監督諸軍討麓川思任敗績

冬十月廢遼王貴哈為庶人十二月追封故廣西總兵都
督同知山雲為懷遠伯十二月徙封荆王瞻埒於蘄州

正統五年庚申春正月南京少保戶部尚書黃福卒謚忠

宣召南京守備襄城伯李隆提督京營隆識大體持以寧
靜雅好文墨或以其得人心疑內召遂頗狎聲妓以自蓋

秋七月大學士楊榮省墓畢還京病卒武林驛上輟朝贈
左柱國太師謚文敏命侍讀學士苗衷馬愉侍講曾昇並
入內閣叅預機務旌吉安義民周怡等十一家復之

正統六年辛酉春、命定西伯蔣貴為征彝將軍、兵部尚書
王驥為提督、太監吉祥為監督、征麓川、侍讀劉球疏以麓
川小寇、滅之不足為武、釋之不足為却、宜全力邊防、以遏
北鹵脫歡也。先父子不聽。

冬十月、復建奉天華蓋謹身三殿、及乾清坤寧二宮、成。十
一月朔、上御奉天殿、受朝賀、大赦、詔京師各衙門除行在
二字、右副都御史吳訥乞致仕、許之、大將軍貴攻麓川、大
敗之於江上、斬首五萬餘級、提督驥深入、復敗之於沙木
龍山、及馬鞍山之陰、賊死傷十餘萬、思任遁去、依緬甸、驥
移兵討偽廣新王韋郎羅、賊聞王尚書至、盡潰去、韋郎羅

遁入安南。安南人懼斬其首，并縛其妻子以獻。閏十一月，以李時勉為國子監祭酒。

正統七年壬戌春三月，論麓川功，進封蔣貴定西侯，王驥靖遠伯，兵部郎中侯璉陞禮部右侍郎，工部郎中楊寧陞刑部右侍郎，餘陞賞有差。令南京造遮洋船，由海道運糧至薊州。

夏六月，少師工部尚書吳中卒。中贖貨而鄙，錄國子生積宦令職，其妻每不然。中受誥時，令其子讀聽，曰：「至尊為之子，抑翰林官代草也。」子曰：「代為之。」曰：「翰林先生雅知人，終篇不聞有清廉二字。」中聞之內愧。

秋七月、始置戶部太倉庫、擢兵部都給事中王承和為工部右侍郎。

冬十月、太皇太后張氏崩、上尊諡、命定西侯貴、請速伯驥提師往、搜思任緬甸、先之以檄、緬甸懷詐、不發、攻破之、思任復遁去、俘其妻子、旋師、加貴驥歲祿各三百石。

正統八年癸亥夏四月、冊立皇后錢氏、雷擊奉天殿鵠吻、詔羣臣直言得失、侍講劉球言十事、其一、摠攬乾綱、意在詆宦振振黨、錦衣衛指揮馬順誣以別案、碎收球入獄、球知變、大呼太祖太宗之靈、順使投刃裂其屍、既死、屹立不移、時、不、仙、己、順、子、狂、疾、代、球、數、順、罪、一、時、謂、死、球、所、憑、下、大。

理寺少卿薛瑄於獄。除名爲民。瑄與振同鄉。獨不屈節。振
都御史王文承振旨。坐瑄出入人罪。付西市。其子請一人
代死。二人充軍。瑄父不許。瑄手周易不輟。門人奔走哭。無
部侍郎王偉爲申救得免。致歸南京。國子監祭酒陳敬宗
九載考績。至京。闕振浮慕敬宗名。託巡撫周忱頗致敬見
之意。敬宗不以意。他日致羊酒綵幣。求書程子四箴。希往
謝。敬宗爲走筆付之。而反其禮。竟不一見。坐十八年不遷
官。元刺太師脫歡死。子也先嗣也。先自併阿魯台勢。益強。
屢犯。

冬十月。徙封鄭王。瞻埈於懷慶。章皇帝廢后靜慈仙師胡

氏薨。學士士奇子楊稷有罪，逮繫法司，論死。稷惡彰著，士奇頗不察，鄉人至豫為祭文待之。

正統九年甲子春正月，新建太學成，帝行釋奠禮。三月，少師大學士楊士奇卒，贈太師，謚文貞。

夏四月，大旱，遣官請雨於岳鎮海瀆。六月，浙西大水。

秋七月，兀良哈三衛寇邊，成國公朱勇、左都督馬諒、興安徐亨、都督陳懷提兵十二萬，分四道入，至金寧，遇敵，福餘逆擊走之。次虎頭山，戰泰寧朵顏，又敗之。論功，加勇太保，亨進封興安侯，諒封昭遠伯，懷平鄉伯。餘陞賞有差。

正統十年乙丑春正月，宴天下來朝課最官布政使丁鑑。

等於禮部、仍加勅諭、資衣鈔、三月、殿試第一商輅、舉浙
江鄉試及會試皆第一、稱三元、始命內閣臣與各衙門會
議大政、宣德以前、大臣就宸前面議施行、不時批答、時上
幼冲、面議遂廢、諸具本聽奪、浙江台寧等府久旱、民疫、命
禮部右侍郎王英代禱南鎮、甫至紹興、大雨既禱、復大雨
時稱侍郎而

正統十一年丙寅春三月、兵部侍郎于謙巡撫河南、山西、
十年不調、忤閹振、降大理少卿、二省民咸赴闕、留復任巡
撫、在鎮十有八年、入理部事、

秋七月、少保大學士楊溥卒、贈太師、謚文定、溥在閣時、子

來自石首。具言江陵知縣范理跡節不為禮。溥即薦理守
德安。再擢貴州布政理。不私謝。及溥卒。乃為位祭而哭之。
以謝知已。

冬十月上。閱武於近郊。

正統十二年丁卯春。詔翰林官十人入東閣習制誥。讀中
秘書侍經筵。以脩他日內閣之選。祭酒李時勉致仕。宣大
總督都御史羅亨信請於直沽等處增置城堡以防也。先
內祀留中。

秋七月。河決張秋。潰沙灣入海。尋決滎澤入淮。逮霸州知
州張需下獄。謫戍邊。需佐治鄭州最。受旌。轉知霸州。捕蝗。

有法侍、郎、魏驥下其法於諸郡、民便之。時有牧馬者、擾其民、需管之、領牧者諉於振、坐譴廷臣、莫敢出一言。

正統十三年戊辰春三月、殿試後定庚吉士、止北卷及四川萬安劉翊、劉吉等一十人。

夏四月、福建墟集長鄧茂七及偽稱閩王汀州推官王得仁擒其黨陳正景伏法。賊據松關、攻光澤及邵武、破順昌、龍溪、攻沙縣。同知鄧洪二十人戰沒。墟貢州沙縣、同殺我二都指揮、詔都御史張楷都督劉得新等討之。

秋七月、處州賊葉宗留反、與其黨周明松、陳諫、胡、陶得一等四出掠、殺都指揮紀綱。征閩官軍便道攻之、不利。都督